




國立故宮博物院珍藏

清代起居注冊


咸豐朝

第六冊

國立故宮博物院珍藏

清代起居注冊

咸豐朝 第六冊



咸豐二年正月上……二八七七
咸豐二年正月下……二九三五
咸豐二年二月上……三〇七九
咸豐二年二月下……三一七七
咸豐二年三月上……三二七三
咸豐二年三月下……三二七三

清代起居注冊 — 咸豐朝

(清) 沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清) 沈兆霖等奉敕撰

654.77

7467

72

NT\$ 86,000.00

7
2
·
1
2
·
0
6
5
0

清代起居注冊

咸豐朝第六冊

資料提供者 國立故宮博物院

景、印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇〇元

新學社
PDG

咸豐二年歲次壬子正月初一日壬子

上詣

奉先殿行禮

堂子行禮

詣

壽康宮前殿拈香

詣後殿

序

皇貴太妃前遞如意行禮禮畢

詣

大高玄殿行禮

弘仁寺拈香

壽皇殿行禮是日內閣奉

諭旨向來親郡王等例應在紫禁城內騎馬者年
至六十五歲始准其乘坐椅轎惠親王係朕之

叔允宜特加優異著即在紫禁城內乘坐二人
椅轎用示朕敬長親親至意又奉

諭旨綿悌之繼子奕劻著加恩賞給貝子兼奉慶
良郡王綿懋祭祀又奉

諭旨工部右侍郎彭蘊章總管內務府大臣基溥
均著加恩在紫禁城內騎馬是日

起居注官克明蔡宗茂

序

初二日癸丑

上詣

壽康宮請

皇貴太妃安是日內閣奉

諭旨上年直隸任邱等州縣被水被雹業經降旨
分別緩徵撫恤小民諒可不至失所惟念今春
青黃不接之時民力未免拮据加恩著將任邱

縣被水成災八分村莊之極貧旗民加賞一箇
月口糧仍照大賑全放折色並照展賑成例每
米一石折銀一兩二錢又成災八分次貧同安
州高陽二州縣成災五分村莊各戶內如有實
在困苦貧民缺乏口糧著查明覈實辦理其任
邱縣成災八分村莊並安州高陽二州縣成災
五分村莊應納咸豐二年春徵糧租等項_緩緩

至本年秋後啓徵成災州縣內之歉收四分村
莊應納咸豐二年新賦糧租著緩至本年麥後
啓徵被水被雹之武清薊州大城永清天津滄
州南皮鹽山慶雲晉州平鄉永年邯鄲雞澤大
名清豐懷來等十七州縣歉收三四分村莊除
新賦照常徵收外著將各該州縣歉收村莊原
緩至咸豐二年麥後啓徵之節年糧租屯糧穀

豆竈課河淤海防地租並出借倉穀等項同被
水被雹之霸州雄縣河間靜海藁城開州元城
保定州等九州縣歛收三四分村莊原緩至
咸豐二年麥後啓徵之上年糧租屯糧穀豆並
靜海縣歛收三四分村莊應徵節年河淤海防
經費地租等項並歛收十七州縣內被水之平
鄉縣大油召等八村莊原緩至咸豐二年麥後

啓徵節年錢糧著一併緩至本年秋後啓徵至
該州縣灾歉村莊如有缺乏種糧或糧價昂貴
應借應糶著隨時察看辦理該督即刊刻謄黃
徧行曉諭務使實惠均霑毋任吏胥舞弊用副
朕履端行慶澤溥畿疆至意該部即遵諭行又
奉

諭旨上年安徽鳳陽等州縣被水成灾業經降旨

分別蠲緩並賞給口糧小民諒不至失所惟
念今春青黃不接之時民力未免拮据加恩著
將鳳陽縣成災六分之大王廟臨近城等三十
七保五分災之蘇關廂小溪等二十保及勘不
成災之十八營等十一保貧民又靈璧縣六分
災之定陵等八十一保集五分災之連城等十
五里集貧民又五河縣六分災之在一等二十

一堡五分災之安四等十二堡貧民又宿州五分災之時北等九十一集南關等二十六集貧民又懷遠縣被水較重勘不成災之學前等四十二村保貧民又當塗縣被水較重勘不成災之太平等二十九圩貧民以及屯坐各衛貧軍均賞加一月口糧以資接濟所需賑糧即著以銀折給各衛饑軍並貧生兵屬悉照正賑之

例一律辦理覈實散放該撫卽刊刻謄黃徧行
曉諭務使實惠均霑毋任吏胥舞弊用副朕始
和布令澤洽黎元至意該部卽遵諭行是日

起居汪官琦昌朱蘭

初三日甲寅

上詣

壽皇殿行禮

關帝廟拈香是日內閣奉

諭旨朕於四月初六日啓鑾敬謁

西陵初十日恭謁

秦陵

秦東陵

昌陵暨

孝和睿皇后几筵前行禮並恭謁

慕陵行釋服禮禮成後回鑾於十四日還宮所有應
行事宜著各該衙門照例敬謹豫備是日

起居注官阜保萬青藜

初四日乙卯

上詣

壽康宮請

皇貴太妃安是日內閣奉

諭旨萬飛鷹著來京以總兵候補甘肅涼州鎮總
兵著春福調補伊犁鎮總兵著豐伸調補所遺
陝西陝安鎮總兵著福誠補授又奉

諭旨上年江西德化等縣被淹被雹被水業經降
旨分別緩徵遞緩小民諒可無虞失所惟念今
春青黃不接之時民力未免拮据加恩著將德
化縣被水無力農民酌借籽種俟秋成後照例